



Universitätsbibliothek Paderborn

Instructio practica ...

Institutiones Theologiæ Mysticæ, Seu Facilem & practicum modum
Exercitia Spiritualia S.P. Ignatii Loyolæ per octiduum faciendi - item
triduanam recollectionem fructosè instituendi complectens, Et
Sacerdotibus Præcipuè, aut de Sacerdotali Statu suscipiendo
deliberantibus accomodata, Una cum ...

Lohner, Tobias

Dilingæ, 1680

Materia Lectionis.

[urn:nbn:de:hbz:466:1-48834](https://nbn-resolving.org/urn:nbn:de:hbz:466:1-48834)

semper alia actio determinata sit, quam substituas, ne oīo
 malorum omnium origini ullus unquam apertus sit locus.

IX. Noli autem turbari, si subito quopiam casu, aut ne-
 gijis intervenientibus constitutum ordinem diurnum in-
 turbam pere, vel mutare cogaris, sed potius optimum tuarum
 institutionum ordinem esse crede, quem sanctissima Dei vo-
 luntas per ejusmodi negotia supervenientia sufficienter in-
 dicata designat.

Materia Lectionis.

Ex libello de imitatione Christi legi potest l. 3. c. 31.

Ex Ascetico vel historico aliquot capita.

Ex libello Exercitiorum legi hodie utiliter possunt Re-
 gularē à S. Ignatio, ut cum Orthodoxa Ecclesia rectè sen-
 tiatur, præscriptæ, quæ in sequentibus monitis consistunt.

I. Ut promptus semper animus retineatur, ad obedi-
 entiam, & sentiendum cum Ecclesia Catholica.

II. Ut laudetur frequens confessio & communio, Missæq;
 auditio, & horarum canonicarum tam privata, quàm publi-
 ca recitatio.

III. Ut Religiones & vota religiosa pariter commenden-
 tur, & status cælibatus, aut virginitalis conjugio præferatur.

IV. Ut reliquiarum veneratio, & invocatio Sanctorum,
 peregrinationesque ad illorum templa institutæ, cum indul-
 gentijs, jubilæis, & alijs devotionis adminiculis laudentur.

V. Ut templorum extructio, ornatus, & imagines etiam
 commendentur.

VI. Ut præcepta Ecclesiæ, Traditiones, Ritus, & Decreta
 studiosè probentur; quemadmodum etiam doctrina sacra
 tum positiva, tum scholastica.

VII. Ut vitetur hominum, qui adhuc in terris vivunt,
 cum Beatis in cælo existentibus comparatio; talis enim
 comparatio, ut Thomas Kemp. l. 3. c. 58. ait, nullum fru-
 ctum affert, sed potius dissensiones, & lites inutiles parit,
 idèque Deo & Sanctis displicet.

VIII. Ut, cum de prædestinatione (quod rarò fieri expe-
 dit) sermo habetur, cum magna circumspectione id fiat, ne
 aut liberi arbitrij vires, & operum bonorum merita excludi
 videantur; aut è contrario nimium ipsis tribuatur.

IX. Ut neque Fidei valor & præstantia nimis extollatur bona opera, & aliæ virtutes negligantur; atque ob eandem causam de efficacia gratiæ sermo circumspicere infirmitur.

X. Ut non vituperetur timor servilis Majestatis divini cum etiam hic sit utilis valde, & sæpe necessarius ad hominem à peccato mortali absterrendos; licet semper magis Filii timor & dilectio commendanda & suadenda sit.

Materia Scriptionis.

Hoc die utiliter aliquæ orationes Jaculatoriæ conscriberentur, quæ pro varijs occasionibus servire queant; dici enim vix potest, quantum profint hæ orationes ad mentem perpetuò cum Deo uniendam, fervorémque devotionis, si remitti cœperit, instaurandum. Sunt quippe hæ orationes velut prunæ, quibus facillè divini amoris ignis in mentibus nostris suscitatur; sunt tela & sagittæ, quibus & ab hostibus nostris tueri nos, tutosque reddere, & verò etiam ipsius amor ad omnia, quæ petimus, concedenda expugnare possumus; sunt deliciæ & refocillationes, quibus languorem animi in miserijs humanis sublevare & tanquam cibo fortissimè vires ad alacriter decurrentem perfectionis viam restitimus: sunt epistolæ breves, quas anima per suspicia tanquam inter nuntios ad Deum & Sanctos transmittit. Verbo: Orationes hæ jaculatoriæ sunt compendiosissima ad mentem rebus terrenis abstrahendam, perfectionémque brevi tempore consequendam via; sunt medicina vitiorum, passivum frenum, virtutum perpetuum exercitium, & mentium uberrimorum fons perpetuus, unde S. Augustinus in Epistola ad Brotham sic scripsit: *Dicuntur Fratres in Epistola crebras quidem orationes habere, sed eas brevissimas tanquam & raptim quodam modo jaculatas, ne illa vigilanter crebra qua oranti plurimum necessaria est, per prolixiores evanescat, atque hebetetur intentio.* Ut ergo earum tantò facilius sibi familiarem facere possit Sacerdos in quocumque tempore poterit orationes ejusmodi jaculatoriæ pro varijs occasionibus sibi conscribere,